

定鄉小識卷十

錢塘張道少南

山水記十古漁浦路

浮山西江流為古漁浦有漁浦渡

漁浦

一名魚浦亦名漁潭
潭又名漁浦潭別作魚浦潭

吳郡記富春東

三十里有漁浦十道志漁浦舜漁處也咸淳臨安志漁浦潭晏公輿地志在郡西南夢梁錄漁浦潭按今輿地志在郡西南嘉泰會稽志漁浦在蕭山縣西三十里姚靖西湖志定山下有浮嶼潭深聚魚對岸為漁浦謝靈運詩所謂宵濟漁浦潭是也

定鄉小識卷十

一

康熙錢塘縣志江濱有浮嶼對岸為漁浦謝靈運詩宵濟漁浦潭是也又稱鮎魚口康熙富陽縣志漁浦在縣東南三十里靈峯村東流入江吳郡記曰富春東三十里有漁浦文選邱希範有旦發漁浦潭詩謝康樂錢起咏漁浦皆有佳句湖山便覽浮山下為漁浦在浮山西謝靈運詩朝發漁浦南暮出富春郭是也今俗稱鮎魚口一統志浙江東西渡口西興漁浦為往來之要津

漁浦古浙江上流異名也實即江樵書云浙江之水自富春達於錢塘海甯龕楮兩山以入於

海始名浙江其前此則浣浦漁浦蘭谿桐谿不一其名是也其地跨屬錢塘富陽蕭山三邑故吳郡記屬富春輿地志屬錢塘會稽志屬蕭山而陸放翁詩隨潮人縣之句則正專指富陽蓋江北岸自錢塘浮山西至富陽廟山界江南岸自蕭山潭頭以在漁浦潭之頭故名南抵漁浦街在義橋鎮折而西至富陽漁山以山臨漁浦故名界中流東西約三十里南北約二十餘里胥名漁浦江面岸山汭漫無際波濤瀕洞形勢險惡錄異記云潮頭越錢塘過魚浦方漸低小潘閻詩有漁浦風

定鄉小識卷十

二

波惡句故宋時士大夫皆憚於渡此今蕭山尚有潭頭漁浦街諸地名且於義橋鎮設漁浦巡檢司故蕭山漁浦之名特著富陽尚有漁山漁溪以在漁山名諸地名故富陽漁浦之名亦傳而錢

塘浮山而外大江中流沙洲涌漲化爲桑田矣

咸淳志中定南鄉管之沙蕩里卽古漁浦地今余里及瀕江諸村地皆是地名更變

無復古稱志乘荒畧不爲著錄惟翟氏有在浮山西之文然亦仍屬鶻突而魏氏志僅於定山下附見且遠指諸對岸古名隱晦肇於此矣魏志浙江條下有云沿江有浙江渡龍山渡鮎魚

口一折二折三折諸名頗與所云俗稱鮎魚口
之文相合而鮎魚口之地在蕭山

今范村對岸沙洲地名鮎

魚嘴去潭頭若干里

於是志蕭山者爭於東譜富陽者攘

於西尺喙紛呶迄爲聚訟而越人悻然辨漁浦
爲蕭山地不知吳越環爭三江自春秋越大夫
已言之中流之號統之則共署析焉亦分屬故
如太湖萬頃漫流江浙瀟湘如鏡跨接楚蜀攬
形志勝彼此兼收漁浦之地要亦猶是惟成化
杭州府志有云龍山渡在六和塔下對蕭山縣
漁浦而姚氏志浮嶼對岸之文

魏志本此後李氏西湖志引魏

定鄉小識卷十

三

志文去對岸二字則屬錢塘矣

似亦東指蕭山與會稽志明文

同義然究不得專坐蕭山而遺錢塘與富陽也
至錢氏富陽志不知漁山以臨漁浦得名乃以
漁山谿谷澗浦之水當之遂云漁浦在靈峯村

即漁山地名

東流入江亦未識山下之江卽爲漁浦

也漁亦作魚古通用李嘉祐送從弟永任饒州
錄事參軍詩水宿山行魚浦西正作魚云潭者
狀其深也六朝時岸設漁浦邏主寨劉宋永平
間任農夫斬會稽太守孔顗軍主孔奴於此南
宋時岸口有郵亭

又陶氏全浙詩話云按漁浦詩自康樂以下有邱希範常建陶翰潘閻陸游諸名作流傳後世或以爲在浮山西屬錢塘或以爲與臨浦相近屬蕭山然蕭邑八景中所謂漁浦煙光者卽此且此地設巡司管轄其來已久考成化杭州府志言錢塘之龍山渡在六和塔下對蕭山縣漁浦又言魚山渡亦在六和塔下與西興相望不遠潮勢至此已殺憚於渡漁浦者由此然則漁浦之爲蕭山地無疑夫臨浦江古不通大江自明時鑿磧堰山堵麻溪壩然後引金華諸暨之

定鄉小識卷十

四

水入於浙江若云漁浦與臨浦近此乃不達古今形勢之語也至漁浦煙光之景正與羅刹潮聲同義漁浦羅刹爲江面公家名目屬吳屬越原無專指如錢思復定山十詠有漁浦春潮詩別錄勝名不得云漁浦僅屬錢塘而蕭山無漁浦也儒者持論貴明通胡可執一廢一耶若夫成化郡志最爲叵信所云龍山魚山二渡旣在六和塔下對岸正指冠山而漁浦在西西興在東俱非徑對且漁山渡一節正襲咸淳志文而小變其說卽六和塔下潮勢烏能便殺況漁浦在塔

西南直上文義未為明晰余於漁山渡條下詳辨之陶氏所據僅對蕭山縣漁浦六字烏得援

為定讞也

胡氏定鄉詩注僅以潛氏不應有誤駁之尚未足以關其口耳

常建

開元中進士第大厓間盱眙尉

漁浦

春至百草綠陂澤聞鶻鷓別家投釣翁今世滄浪情漚約為縵袍折麻為長纓榮譽失本真怪人浮此生碧水月自闊安流淨而平扁舟與天際獨往

誰能名

邱遲

字希範吳興烏程人

定鄉小識卷十

五

旦發漁浦潭

一作早發

漁潭

康熙富陽縣志均作浦

霧未開赤亭風已

李氏西湖志已

亦作

颺櫂歌發中流鳴鞞

富陽縣志均作榔

響沓

紹興志

非作踏

嶂一作障

村童忽相聚野老時一望詭怪石異

象蘄絕峯殊狀森森芳

富陽縣志李氏西湖志

樹

齊析

富陽縣志

析寒沙漲藤垂島易陟崖傾嶼難

傍信是永幽棲豈徒暫清曠坐嘯昔有委

富陽縣志昔有

委作興

綮紆

卧治富陽縣志卧

今可尚

文選注云遲為新安太守經此潭宿中流作

孟浩然

字浩然襄陽人

早發漁浦潭

晨旭早蒼茫渚禽已驚聒臥聞漁浦口橈聲暗相
撥日出氣象分始知江路闊美人常晏起照影弄
流沫飲水畏驚猿祭魚時下獺舟行自無悶況值

晴景豁全唐詩一作晨作東注一作晨作似路作湖注

一作路起注一作然
時注一作常下作見

錢起字仲文吳興人尚書考功郎中

漁潭值雨

日入林島異鶴鳴風草閒孤帆泊枉渚飛雨來前
山客意念留滯川途忽阻艱赤亭仍數里夜待安

定鄉小識卷十

六

流還

陶翰潤州人開元十八年中進士第又擢宏詞科官禮部員外郎

乘潮至漁浦作

艤棹富陽縣志 乘早紹興府志 潮潮來如風雨樟

亭紹興府志 李氏西 忽已隱界峯西湖志 莫及覩

奔富陽縣志 騰心為失浩蕩目無主風停萬縣志

風亭作 浪始開漾漾入漁浦雲景富陽志

影作 共澄富陽縣志 霽江山相吞吐偉哉萬縣志

哉均 造化萬縣志 此事從錢塘縣志

志從 均作 已終古流沫誠作 富作 靈戒商 錢塘

縣志 富陽 均作 高縣 歌調易苦頗因忠信全客心 萬縣志

猶栩栩

陸游 字務觀號放翁山陰人

漁浦二首

桐廬處處是新詩漁浦江山天下奇 紹興府志 安

得移家常住此隨潮入縣伴潮歸

漁翁持魚叩 紹興府志 舷賣炯炯綠瞳雙臉丹我

欲從 紹興府志 之逝已遠菱歌一曲暮江寒

潘閻 字道遙太古人官秦王府記室參軍落魄

不檢秦王以罪下獄并捕閻遂為僧去後

定鄉小識卷十 七

潘閻巷大中祥符三年為泗洲參軍卒於官舍

歲暮自桐廬歸錢塘晚泊漁浦

久客見華髮孤棹桐廬歸新月無朗照落日有餘

暉漁浦風波惡 康熙錢塘縣志 紹興府 錢塘燈 紹興

火微時驚 道遙集 沙上雁一一背南

飛 道遙集

真山民 宋季遺民名姓韜晦後人或曰名桂芳括蒼

人宋末進士

漁浦旅懷

西風吹夢越中游翦翦輕寒入短裘雁字不將鄉

信寫蟲聲空和旅吟愁郵亭細雨孤燈夜漁市斜
陽一笛秋是處山川卽吾土仲宣何用賦登樓

柳貫

字道傳浦江人大德間官江山教諭至正初起翰林待制兼國史院編修官及卒門人私諡曰文肅自號烏蜀山人有柳待制文集二十卷

早發漁浦夕宿大浪灘上

張帆得順風飛鴻與爭疾後浪蹙亦舒前山過如
失桐江轉數灣上瀨未入日篙工享安便坐穩頭
屢櫂人生倚造物理微難究詰處順安可常離憂
詎能必白鷗知此情故向波間沒

王逢

字原吉號席帽山人有梧溪集

定鄉小識卷十

八

復如乾封晚經漁浦

窮曛經漁浦寒水白如練總總星東出獵獵風北
轉眼中獸蹄過笛裏魚狀變稍間刁斗應漸喜煙
火見誰家長林根繫艇沙渚面天含瀟湘思山錯
吳越甸承平謝憂患少壯忘羈賤瓜橋往未遑雲
源訪殊便明涉子陵灘桂酒同一奠

金涓

字德源義烏人從許謙黃潛游友宋濂王禕屬志力學明初有司薦辟皆力辭隱居青村先生

舟次漁浦

雙溪入東

浙江通志入東作東

浙終日坐危舟流水遠明

目小篷低壓頭煙村鴉入暮江國雁賓秋一片淒
涼景安排獨客愁

徐應亨

漁浦潭次邱遲韻

湯湯廣川綠獵獵驚風颺積雲擁吳濤層陰開越
嶂綠蕪菱芊眠白蘋遙騁望煙巒各異觀雲峯倏
殊狀茨隄觸浪驚沙岸乘流漲渦盤水易激湍險
崖難傍鳳山眇威紆漁潭滹清曠於焉濯塵纓聊
以寫元尚

朱彝尊

字錫鬯秀水人康熙己未以布衣召試博
學鴻儒科授翰林院檢討著有曝書亭集

定鄉小識卷十

九

自漁浦挂席至富陽二首聯句

艣郎唱櫓雨初消

查慎行

突起東風送客船百里晴

山低似屋

朱彝尊

一江新水健於潮

自注舟人謂江
暴漲時海潮不

上得得攜老伴無拘束

慎行

縱是貧游未寂寥況有

月波春甕在

彝尊

隔船不乏酒人招

慎行

江山小船急浪衝

彝尊

疾若鷺鳥凌霜冬

慎行

灣

環忽轉赤亭岸

彝尊

俄頃不見南高峯

慎行

鮒魚

出網白尾尾

彝尊

烏柏夾路青茸茸

慎行

井西道

人畫不得

彝尊

暖翠浮嵐如此濃

慎行

蔡仲光

字大敬蕭山人明諸生國變後高蹈康熙
二十年以山林隱逸徵不起著謙齋詩集

漁浦

日暮雲飛漁浦村秋江風急水流渾射潮未穀三
千弩惆悵歸來早閉門

張磐

字叔安號梅厓宋末為嵎令著有梅厓集

綺羅香

漁浦有感

浦月窺檐松泉漱枕屏裏吳山何處暗粉疏紅依
舊為誰勻注都負子燕約鶯期更閒卻柳煙花雨
縱十分春到郵亭賦懷應是斷腸句 青青原上
薺麥還被東風無賴翻成離緒望極天西惟有隴

定鄉小識卷十

十

雲江樹斜照帶一縷新愁盡分付暮潮歸去步閒
階待卜心期落花空細數

是詞見周草窗絕妙好詞屬樊榭箋引會稽志
云漁浦在蕭山縣西三十里十道志云舜漁處
也樊榭僅知漁浦在蕭山而不
知錢塘富陽之胥臨漁浦也

漁浦渡 在漁浦宋時衢睦處婺宣歙饒信及福建
路八州皆由此渡其地當次浙江龍山二渡之上
咸淳志山川門不別標名惟魚山渡下有憚渡漁
浦之文而夢梁錄自有漁浦渡與浙江渡竝稱

江岸

之船甚夥初非一色海舶大艦網艇大小船隻
公私浙江漁浦等渡船買賣客船皆泊於江岸則
宋明有此渡矣又馬臻浙江晚眺詩有落日正明

漁浦渡之句可知是渡在元時尚存顧江面漫廣
風波濔濔乘潮挂席奔騰震心東坡所云錢塘江
天下之險無出其右要以漁浦爲最故浙東士大
夫皆憚於渡此今漁浦已爲平陸渡亦竟廢

定鄉小識卷十

定鄉小識卷十